

Na osnovu člana 72. Zakona o javnim nabavkama („Službeni glasnik BiH“, broj: 39/14), a nakon provedenog postupka nabavke putem otvorenog postupka za nabavku električne energije, zaključen je između ugovornih strana:

- 1. KANTONALNO TUŽILAŠTVO KANTONA SARAJEVO – ul. Radićeva br. 6, Sarajevo, kojeg zastupa Glavna Kantonalna tužiteljica Kantonalnog tužilaštva Kantona Sarajevo SABINA SARAJLIJA, ID: 4200223290004, (u daljem tekstu: Kupac);**
- 2. JP Elektroprivreda BiH d.d. Sarajevo, Vilsonovo šetalište 15, Sarajevo, kojeg zastupa Generalni direktor Admir Anđelija i Izvršni direktor za snabdijevanje i trgovinu Zlatan Planinčić; ID: 4200225150005 (u daljem tekstu: Snabdjevač);**

sljedeći:

UGOVOR

O NABAVCI ROBA – ELEKTRIČNE ENERGIJE ZA POTREBE KANTONALNOG TUŽILAŠTVA KANTONA SARAJEVO

Član 1.

Predmet ugovora

Predmet ovog ugovora je utvrđivanje prava, obaveza i odgovornosti između Kupca i Snabdjevača u snabdijevanju električnom energijom Kantonalnog tužilaštva Kantona Sarajevo, a sve prema tenderskoj dokumentaciji br. A-III-33/21 i ponudi broj: 03-4-41-32336/2021, koja je sastavni dio ugovora, a potpisuje se sa odabranim ponuđačem nakon provedenog postupka javne nabavke putem otvorenog postupka.

Na sve što nije regulisano ovim ugovorom, primjenjivat će se odredbe sljedećih propisa: Zakon o obligacionim odnosima (u daljem tekstu „ZOO“), Pravilnik o snabdijevanju kvalifikovanih kupaca električnom energijom i postupku promjene snabdjevača (u daljnjem tekstu: Pravilnik o snabdijevanju), Opći uslovi za isporuku električne energije („Službene novine FBiH“, broj 89/14) (u daljnjem tekstu: Opći uslovi), Mrežni kodeks, Tržišna pravila, Odluka o tarifnim stavovima za korisnike distributivnog sistema Snabdjevača, Zakon o korištenju obnovljivih izvora energije i efikasne kogeneracije, Dozvola za rad - Licenca za obavljanje elektroprivredne djelatnosti snabdijevanja električnom energijom II reda, Zakon o finansijskom poslovanju i akti koji u toku važenja ovog Ugovora na novi način urede pitanja regulisana navedenim propisima, odnosno aktima, kao i ostali zakonski i podzakonski akti koji tretiraju ovu materiju.

Član 2.

Osnovni podaci o Kupcu

Kategorija potrošnje: Ostala potrošnja na niskom naponu;
Adresa mjernog mjesta: Radićeva 6, 71000 Sarajevo;
Šifra mjernog mjesta (serijski broj): 35757754;
Tarifna grupa: M-1;
Adresa dostave računa: Radićeva 6, 71000 Sarajevo;
Prikjučna snaga: 168 kW.

Snabdjevač je obavezan da u ime Kupca zaključi ugovor o pristupu distributivnoj mreži sa Operaterom distributivnog sistema (u daljem tekstu ODS), prema propisima iz člana 1. Ugovora.

Član 3.

Količina električne energije i kvalitet snabdijevanja

Mjesec	Juni	Juli	Avgust	Septembar	Oktobar	Novembar
Količina energije u VT (kWh)	7.441,74	7.557,06	6.323,88	7.441,62	8.349,72	7.337,34
Količina energije u MT (kWh)	3.827,34	4.064,28	4.198,80	3.941,82	4.223,46	4.167,60
Snaga (kW)	53,112	59,256	48,696	48,36	48,96	42,744
Mjesec	Decembar	Januar	Februar	Mart	April	Maj
Količina energije u VT (kWh)	8.930,04	8.473,14	7.812,78	7.781,28	7.348,92	6.782,76
Količina energije u MT (kWh)	4.311,66	4.282,74	3.912,96	3.823,98	4.047,90	4.301,34
Snaga (kWh)	44,856	50,064	45,888	41,328	42,024	43,704

Snabdjevač je balansno odgovoran za mjesta primopredaje Kupcu. Snabdjevač se obavezuje da će, u okviru svojih nadležnosti, obezbijediti snabdijevanje Kupca električnom energijom u skladu sa Pravilnikom o snabdijevanju i članom 9. do 12. i 16. Općih uslova („Službene novine FBiH“, broj 89/14).

Isporuka i preuzimanje električne energije može se obustaviti ili ograničiti samo u uslovima propisanim članovima 75. do 87. Općih uslova (Uslovi kada se može obustaviti ili ograničiti isporuka električne energije), kojim su utvrđena i pravila ponašanja ugovornih strana u tim uslovima i naknada štete u slučaju neosnovane obustave isporuke električne energije.

Član 4.

Mjesto isporuke i mjesto mjerenja isporučene električne energije

Mjesto isporuke električne energije je na adresi Kupca: Radićeva 6, 71000 Sarajevo, na nominalnom naponu: 0,4 kV.

Mjesto mjerenja električne energije je na adresi Kupca: Radićeva 6, 71000 Sarajevo, na nominalnom naponu: 0,4 kV.

Član 5.

Cijena električne energije i način obračuna

Ugovorene jedinične mjesečne cijene su:

- električna energija u periodu VT: 0,1805 KM.
- električna energija u periodu MT: 0,1219 KM.
- snaga na osnovu brojila koje mjeri angažovanu snagu: 0,00 KM.
- paušal za mjerno mjesto: 0,00 KM.
- mrežarina po potrošenoj električnoj energiji u periodu VT: 0,0689 KM.
- mrežarina po potrošenoj električnoj energiji u periodu MT: 0,0345 KM.
- paušal za mrežarinu po obračunatoj snazi: 6,52 KM.
- mrežarina po mjernom mjestu: 4,15 KM.
- mrežarina - prekomjerno preuzeta reaktivna energija: 0,0322 KM.
- paušal za poticanje proizvodnje električne energije iz obnovljivih izvora električne energije i efikasne kogeneracije: 0,005072 KM.

Nadležni propisi koji se primjenjuju za određivanje visine naknade za poticanje proizvodnje električne energije iz obnovljivih izvora i troškovi korištenja distributivne mreže su:

- Uredba o poticanju proizvodnje električne energije iz obnovljivih izvora energije i efikasne kogeneracije i određivanju naknada za poticanje (Službene novine FBiH, broj 48/14);
- Odluka o davanju saglasnosti na garantovane otkupne cijene električne energije iz postrojenja koja koriste obnovljive izvore energije i efikasne kogeneracije (Službene novine FBiH, broj 61/20);
- Odluka o referentnoj cijeni (Službene novine FBiH broj 61/20) i
- Odluka o utvrđivanju potrebnog iznosa naknade za poticanje i jediničnog iznosa naknade za poticanje proizvodnje električne energije iz OIEiUK za 2021. godinu (Službene novine FBiH broj 22/21 od 19.03.2021. godine);
- Odluka o utvrđivanju pružalaca javne/univerzalne usluge i usluge rezervnog snabdjevača (Službene novine FBiH broj 84/14).

Cijene snabdijevanja električnom energijom ne mogu se mijenjati u toku izvršenja ugovora, dok se cijena distribucije električne energije za korisnike distributivnog sistema Snabdjevača i naknada za poticanje proizvodnje električne energije iz obnovljivih izvora mogu mijenjati samo u slučaju i u svemu prema izmjeni propisa kojim su regulisane iste. Snabdjevač obavještava Kupca u pisanoj formi o nastalim promjenama u obračunu ovih kategorija, te se nove cijene za korisnike distributivnog sistema Snabdjevača i/ili naknada za poticanje proizvodnje električne energije iz obnovljivih izvora počinju primjenjivati od dana stupanja na snagu istih.

Maksimalna finansijska vrijednost ovog ugovora je 34.993,12 KM bez PDV-a, PDV iznosi 5.948,83 KM, a ukupna finansijska vrijednost ovog ugovora sa uključenim PDV-om iznosi 40.941,95 KM.

Član 6.

Način mjerenja utrošene električne energije

Način mjerenja, te uslovi i način očitavanja mjernih uređaja definisani su Ugovorom o korištenju distributivne mreže, koji Snabdjevač u ime Kupca potpisuje sa ODS-om. Mjerne podatke, na obračunskim mjernim mjestima, utvrđuje ODS, u skladu sa važećim Općim uslovima, Mrežnim kodeksom i Tržišnim pravilima. ODS je dužan, u okviru standardne mjerne usluge, utvrđene Mrežnim pravilima, s mjernog mjesta prikupiti, obraditi, provjeriti valjanost, potvrditi vrijednosti, pohraniti i dostaviti ili učiniti dostupnim u odgovarajućem formatu za preuzimanje, obračunske mjerne podatke za potrebe Snabdjevača i Kupca, za obračun prema ovom Ugovoru. Kupac može od ODS-a naručiti nestandardne mjerne usluge, a ODS će ih pružiti i obračunati prema cjenovniku nestandardnih usluga, odnosno prema ugovorenim cijenama. Navedenu uslugu će Kupcu fakturisati Snabdjevač. Očitavanje mjernih uređaja vrši ODS JP Elektroprivreda BiH d.d. Sarajevo, prema stvarno utrošenim količinama električne energije, najmanje jednom mjesečno, u periodu od najranije tri dana prije isteka obračunskog perioda, a najkasnije tri dana po isteku obračunskog perioda, kao i u drugim slučajevima predviđenim članovima 67-71. Općih uslova. Kupac je dužan u svako vrijeme omogućiti neometan pristup obračunskom mjernom mjestu i mjernim uređajima radi održavanja i očitavanja, kao i radi obustave isporuke električne energije.

Član 7.

Uslovi korištenja distributivne mreže

Kupac je dužan koristiti priključak i distributivnu mrežu prema uslovima iz elektroenergetske saglasnosti i u skladu sa Općim uslovima, odnosno u skladu sa Ugovorom o korištenju distributivne mreže, zaključenim sa ODS-om. U skladu sa Ugovorom o korištenju distributivne mreže, sve zahtjeve vezane za promjene u korištenju priključka i mreže, uređivat će se u dogovoru i u skladu sa odredbama Općih uslova i Mrežnih pravila.

Kupac je dužan odmah po saznanju, bez odlaganja, obavijestiti ODS o neispravnosti mjernih uređaja i o mogućem nastanku ili oštećenju bilo kojeg dijela mjernog sloga, oštećenju plombi, kao i o mogućem oštećenju mjernog ormara, s tim što Kupac ne smije poduzimati nikakve radnje na mjernom mjestu i mjernom uređaju.

Član 8.

Dostava računa i plaćanje

Obračunski period je jedan kalendarski mjesec. Snabdjevač dostavlja račun Kupcu na osnovu izvršenog obračuna po odredbama ovog ugovora, na adresu Radićeva 6, 71000 Sarajevo, najkasnije do 15. dana u mjesecu za prethodni obračunski period. Ako Kupac ne zaprimi račun u predviđenom roku dužan je o tome obavijestiti Snabdjevača najkasnije do 20. dana u mjesecu, a Snabdjevač će izdati Kupcu kopiju računa bez naknade.

Kupac će, ukoliko nema prigovora na ispostavljeni račun, izvršiti plaćanje obaveza navedenih u računu najkasnije u roku od 45 dana od dana očitavanja utroška električne energije. Plaćanje će biti izvršeno na račun Snabdjevača, prema instrukcijama naznačenim na samom računu. Ukoliko ne izvrši plaćanje u roku, Snabdjevač ima pravo zaračunati zateznu kamatu, prema važećem zakonu o visini stope zatezne kamate.

U slučaju raskida Ugovora zbog promjene snabdjevača, Snabdjevač Kupcu izdaje završni račun sa svim dugovanjima, a Kupac je obavezan račun platiti u roku od 15 dana od dana očitavanja. Snabdjevač će dospjela, a nenaplaćena potraživanja naplaćivati na način da se prvo otplate troškovi, zatim kamate i na kraju glavnica, a sve prema članu 313. ZOO.

Član 9.

Promjena podataka

Kupac je obavezan da pisanim putem obavijesti Snabdjevača o izmjenama odgovarajućih podataka kao što je naziv, adresa i slične izmjene podataka u toku ugovornog perioda koji utiču na obračun i dostavu računa.

Član 10.

Prigovor na račun

U slučaju da Kupac ima prigovor na ispostavljeni račun, ili traži korekciju obračuna, primjenjuju se odredbe članova 63. i 70. Općih uslova.

Član 11.

Obustava isporuke električne energije zbog neplaćanja računa

Ukoliko Kupac ne izvršava obavezu plaćanja u ugovorenom roku, Kupcu može biti izvršena obustava isporuke električne energije nakon isteka roka utvrđenog u obavještenju o prestanku isporuke, koji ne može biti kraći od osam dana.

Datum obustavljanja isporuke električne energije naveden u obavještenju ne smije biti petak, vikend, državni ili vjerski praznik, dan prije praznika ili u druge dane, kada ovlaštene kancelarije za rad sa korisnicima distributivnog sistema, odnosno za rad sa krajnjim korisnicima nisu otvorene.

Član 12.

Naknada štete zbog obustave isporuke električne energije

Odgovornost za učinjenu štetu, način rješavanja i visinu naknade štete, ugovorne strane će utvrđivati u skladu sa članom 86. Općih uslova i odredbama ZOO.

Visina naknade štete biće utvrđena sporazumno na osnovu tržišnog pristupa ili na osnovu vještačenja od strane neovisnog vještaka prihvatljivog za obje strane.

Ako strane ne postignu koncenzus o odgovornosti za učinjenu štetu i visini naknade štete, svaka strana ima pravo da pokrene sudski spor.

Član 13.

Povjerljivost podataka i informacija dobijenih u toku realizacije ugovora

Kupac je saglasan da Snabdjevač može koristiti podatke vezane za ugovorni odnos, u svrhu ispunjavanja ugovornih obaveza, a u skladu sa propisima o zaštiti ličnih podataka. Kupac je saglasan da Snabdjevač može vršiti razmjenu informacija i podataka s ODS-om, a koji se odnose na mjerna mjesta Kupca, koja su predmet ovog Ugovora.

Kupac i Snabdjevač saglasni su da će čuvati kao tajne i štititi sve informacije i podatke do kojih dođu tokom realizacije ugovora. Zabrane se ne primjenjuju na nadzorna tijela koja imaju nadležnost nad tom stranom, odnosno na ovlaštene predstavnike institucija entiteta i/ili BiH.

Član 14.

Rješavanje sporova

Prigovore koje Kupac uputi Snabdjevaču, Snabdjevač će rješavati u skladu s odredbama člana 88. Općih uslova. Kupac može podnijeti zahtjev FERK-u za rješavanje sporova, u vezi sa slučajevima utvrđenim u članu 89. Općih uslova, u roku od 15 (petnaest) dana od dana prijema odgovora od strane Snabdjevača po prigovoru. Rješavanje sporova pred FERK-om ne isključuje pravo na pokretanje sudskog spora, ako strane u sporu ne postignu koncenzus.

Ako se strane posebno dogovore, za rješavanje sporova u vezi sa slučajevima utvrđenim u članu 89. Općih uslova, mogu ugovoriti arbitražu pred FERK-om, u skladu sa odredbama Pravilnika za arbitražu FERK-a.

Za rješavanje sporova za koje strane ne postignu konsenzus u postupku pred FERK-om ili za koje strane ne ugovore arbitražu pred FERK-om ili za rješavanje sporova koji ne spadaju u slučajeve utvrđene u članu 89. Općih uslova, nadležan je Općinski sud u Sarajevu.

Član 15.

Primjena propisa

Ugovorne strane se obavezuju da primjenjuju propise navedene u članu 1. ovog Ugovora. U slučaju izmjena i dopuna važećih propisa ili donošenja novih propisa koji utiču na odredbe ovog Ugovora, odredbe ovog ugovora će biti prilagođene kroz pismeno obavještenje Snabdjevača o izmjenama ili dopunama važećih propisa, koje su već stupile na snagu.

Član 16.

Promjena snabdjevača

U slučaju prijevremene promjene snabdjevača, primjenjuju se odredbe Pravilnika o snabdijevanju, kao i člana 18. ovog Ugovora.

Član 17.

Trajanje i prestanak ugovora

Ugovor se zaključuje na period do 1 (jedne) godine od dana zaključenja ugovora, odnosno do realizacije predviđenih količina, ukoliko se količine realiziraju prije isteka 1 (jedne) godine od stupanja ugovora na snagu. Ugovor se smatra zaključenim i stupa na snagu danom obostranog potpisivanja.

Bilo koja ugovorna strana može na pisani zahtjev raskinuti ovaj Ugovor, uz otkazni rok od 21 (dvadeset jedan) dan, pod uslovom da izmire svoje dospjele obaveze prema drugoj ugovornoj strani.

Ugovor može prestati u slučaju nastupa drugih okolnosti za prestanak Ugovora, prema odredbama zakona i Općih uslova.

Član 18.

Viša sila

Ugovorne strane mogu biti oslobođene od odgovornosti u određenim slučajevima koji su nastupili nezavisno od volje stranaka. Nastale okolnosti, nezavisne od volje stranaka, koji ni pažljiva stranka ne bi mogla izbjeći, niti mogla otkloniti njihove posljedice, smatrat će se kao slučajevi više sile, koji oslobađaju od odgovornosti, ako su nastali poslije zaključenja ugovora, a sprečavaju njegovo potpuno ili djelimično izvršenje.

Pod pojmom više sile smatraju se spoljni i vanredni događaji koji nisu postojali u vrijeme potpisivanja ugovora, koji su nastali mimo volje i moći ugovornih strana, čije nastupanje i dještvo strane nisu mogle spriječiti mjerama i sredstvima koja se mogu u konkretnoj situaciji opravdano tražiti i očekivati od strane koja je pogođena višom silom. Strana pogođena višom silom treba odmah elektronskom poštom, telegramom, ili telefaksom da obavijesti drugu stranu o nastanku, o vrsti i eventualnom trajanju više sile, odnosno drugih okolnosti koje sprečavaju izvršenje ugovornih obaveza.

Član 19.

Broj primjeraka ugovora

Ovaj ugovor sačinjen je u 4 (četiri) istovjetnih primjeraka, od kojih svaka strana zadržava po 2 (dva) primjerka.

Član 20.

Mjesna nadležnost suda u slučaju spora među ugovornim stranama

Ugovorne strane su saglasne da će eventualne sporove pri realizaciji ovog Ugovora rješavati mirnim putem, u suprotnom, priznaju nadležnost Općinskog suda u Sarajevu.

Član 21.

Ostala prava i obaveze ugovornih strana

Na ostala prava i obaveze ugovornih strana, koje nisu regulisane ovim Ugovorom, primjenjivat će se odredbe Zakona o obligacionim odnosima.

SNABDJEVAČ:

Generalni direktor:

Admir Anđelija

KUPAC:

**Kantonalno tužilaštvo Kantona Sarajevo
Glavna Kantonalna tužiteljica:**

Sabina Sarajlija

Izvršni direktor za snabdijevanje i trgovinu

Zlatan Planinčić

Broj: 01-04-23570/21
Sarajevo, 26.07.2021. godine

Broj: A-III-33/21-VI
Sarajevo, 14.07.2021. godine